

ALEN KO AN PACIFIC IJO JOKWE IE

ENNAAN AN RITÖL AN ERIA

Kōmḡman bwe raan in Jabōt en menin lañlōñ aolepān raan eo

Jān Elder Johnny L. Leota

Ilo Pāpode 1st 1980, ke Būreejtōnji eo Kein Kajuon eaar kōjellā kōn koba in iien kweilōk ilo Jabōt, kapi-lōk in kar letok: “Juon eddo eļap lōk naaj door ioon kajjojo membōr ro im baamle ko ñan kautiej raan in Jabōt. Eļap lōk iien ñan an kajjojo ekkatak jeje ko rekwojarjar, ekkatak gospel eo an baamle.”

“ḡakūtūt ko jet rejejet an Jabōt, āinwōt kōkajoor lōk kadkad ko an baamle, loļok rinañimej im ro rōtto lōk jān jikier, leļok jerbāl in jipañ ñan ro jet, loļoki bwebwenato ko an kajjojo im baamle, jerbāl in menmenbwij, im jerbāl in mijenede, aikuj kanooj karōki im kōmḡmani.”

“Ej kōtmene bwe ļaajrak in kweilōk ko ekāāl im ḡakūtūt ko naaj tōprak in juon eddōk lōk ekilep ilo jetōb ñan membōr ro an Kabuñ in.” (*Church News*, 2 Pāp. 1980, p. 3.)

Ilo Oktoba 1991 Kweilōk eo Eļap, Elder James E. Faust eaar ba menin ikkijen menin ilo kōjellā eo an Būreejtōnji eo Kein Kajuon ilo 1980 eo, “Ej kōjatdikdik eo bwe aolep ritōl an priesthood im membōr ro an Kabuñ in naaj kautiej jetōb in koba ippān doon baamle ilo Jabōt.”

Ilo Eprōl 2015 Kweilōk eo Eļap, Elder Russell M. Nelson eaar elmakote jet ḡakūtūt ko an raan in Jabōt ñan kōkajoor lōk jemjerā ko an baamle;

“Raan in Jabōt ej bōktok juon iien eai-bojooj ñan kakajoorlōk jemjerā ko an baamle.”

“Jej kōmḡman bwe raan in Jabōt en menin lañlōñ ñe jej kwaļok gospel eo ñan ro nejid . . . Ilo aḡ kwaļok gospel eo, kwonaaj katak eļaplōk . . . kōn katak ko an gospel in ekōmḡman bwe raan in Jabōt en juon menin lañlōñ.”

“Iaļ in im ḡakūtūt kein remaroñ kōmḡman ilo iien ko jet.”

Ilo kakobaba ñan iien ippān baamle, komaroñ eñjaake moļl in lañlōñ ilo raan in Jabōt itok jān jerbāl in menmenbwij an baamle. Pukōt im lo etan ro uwaan baamle eo me raar mour moktaļok—ro raar jab wōr aer iien ñan bōk gospel eo ke raar pād ioon laļ in—emaroñ bōktok lañlōñ eo eļap.”

Juon iaan menin kōttōpar ko an Eria Pacific ñan 2016 ej ñan “Kōmḡman bwe

Jabōt en menin lañlōñ aolepān raan eo”. Ilo kōjellā eo moktata an Būreejtōnji eo Kein Kajuon ilo Pāpode 1st 1980, raar keañ Rikwojarjar ro kōn ḡakūtūt ko an raan in Jabōt, bwe ren “. . . aikuj mejmejaruo ilo karōk im kōmḡmani.”

Ij kūr koḡ ñan “mejmejaruo karōk” im kapilōk ippān doon ippān baamle eo ami kōn ḡakūtūt ko rekkar ñan raan in Jabōt ñan kwe im baamle eo am.

Jet men ko relem waan baamle eo am kar kālet ñan kōmḡmani ilo Jabōt eaar ñan jab alooj tipi būrok-raaḡ ko ekoba ikkure ak roñjake al in ḡaina. Kōm kar bōk jikin men kein kōn video būrookraaḡ ko an Kabuñ, im al an Kabuñ in. Juon kein jipañ eo eļap an eḡman kōm kar lo ilo LDS Media Library eo ilo lds.org. In eaar jelet jokālet eo am eaar kōmḡman eļap



Elder Johnny L. Leota



“Raan in Jabōt ej bōktok juon iien eai-bojooj ñan kakajoorlōk jemjerā ko an baamle.”



***“Anij eaar letok ñan kōj
raan in eaorōk, ejjab ñan
kamōñōñō bajjōk ak jermal
ko kajjojo raan ak ñan
kakkije jān jermal, ñan
kōmeraiklōk mour in jetōb
im kanniōk jimor.”***

oktak ekabwilōñlōñ ilo kapijuknen eo am.

Kiiō ilo kapijuknen eo am, “eñjake” eo an Jabōt ekanooj oktak jān raan ko jet ilo wiik eo. Eļap lōk aō eñjake ñan kabuñ-jar ñan Jemedwōj Ilañ. Ij eñjake juon ikdeelel ekajoor lōk ñan pād ilo kweilōk in kwojkwoj eo ñan bōk mōt-tan kōkaļle ko rekwojarjar, ñan kōkāal aolep bujen ko aō. Ij eñjake juon aenōmman emool ilo mour eo aō im juon iakwe emwilal im kauteij ñan Jemedwōj Ilañ, Nejin Jisōs Kraist, im Jetōb Kwojarjar. Ij eñjake aō epaake lōk er. Ij kauteij er eļap lōk. Etiljōk lōk aō jermal ñan er, ikōñaan erom lōk ainwōt er. Jemjerā eo aō ippān lio pāleeō, ajri ro im ro uwaan baamle eo, ej kajoor lōk ñe ij kōjparok raan in Jabōt im kōkwojarjare.

Jet jibboñin Jabōt baamle eo aō rej ruj im roñ ainikien kōjañjañ ej itok jān piano eo. Leddik eo nejim jet iien ej eñjake imwe ñan kōjañ jet al in jar im al ko jet jān jemenere im institute mōkta jān am ilok ñan Mōñjar eo. Kapijuknen eo am eobrak kōn juon jetōb in iakwe, kautiej, jeorlōk bōd, lañlōñ im aenōmman. Kōjañjañ eo eimwe im emman, ej ejake juon mejatoto ñan kapijuknen eo im baamle eo, im akjoketok Jetōb eo an Irooj ñan pād.

Ālkin am kabuñ-jar baamle eo ej lemōñōñō kōn kōjota ippān doon

an Jabōt, innām ajel ippān doon ilo ettōñaak eo ñan ellōk, kakkūje, im lemōñōñō kōn iaio eo an doon. Iien in ippān doon eaar erom juon iminene an baamle emman am. Kōmij kejōklōkjen ioon katak ko kar kwaloki ilo kūlaj ko am ilo Jabōt. Kōmj kwalōk lōmñak ko im kōlmenlōkjen ko am kōn unin kōnono ko an gospel eo im kaṃool kaki ilo kweilōk in kwojkwoj eo. Jet iien kōmij kōnono idajoñjoñ ko im tōprak ko an wiik eo, im emakikij am lo kōm make elōk jeje ko rekwojarjar im jeje ko jet an Rikanaan ro, ko me raar kōmeram lōk im kaṃwilal lōk meļeļe eo am ilo gospel in. Ilo ejja iien eo wōt juon emaroñ alooje juon pija in alooj an Kabuñ in, bar juon riiti jeje ko rekwojarjar aer, ak jeje ilo journal eo aer, ak jiñaik juon pija ioon laļ. Imenene ko an baamle eo am emōj an kajoor lōk tōmak eo am im lōke eo ilo Jemedwōj Ilañ, Nejin Jisōs Kraist, im ilo Jetōb Kwojarjar. Jemjerā eo aō ippān lio pāleeō, ajri ro im ro uwaan baamle eo am emōj an mwilal lōk, im eaar kepaak tok kōm ippān doon ainwōt juon baamle.

Ilo Jabōt ko ainwōt juon rikabwiger priesthood edik an Aaronic, jema im ña kar loļōk juon būratōr erūtto eaar jokwe itulaļ in juon bat eju. Eaar jokwe ippān lio pāleen etiljek im ettā

eo emman eaar kōjparok e. Jekjek eo eaar aolep iien ejja eñe eo wōt, jema ekōn kōpooj kwojkwoj eo ioon juon tebōļ edik turin jikin kiki eo an būratōr in, kanne jet kab in kwokwoj ko kōn dān, likūt pilawe eo ioon juon pileej erreō jān jikin mōñā eo, innām kōkōmmanman kalbubui kōkaļle ko kōn juon mōttan nuknuk emouj. Innām jema ej bukwelōlō turin tebōļ eo im ilo mera im kautiej kōjeramman kōkaļle ko, innām letok piliej eo ewōr pilawe ie ñan ña ñan leļōk ñan ripālele in erūtto, innām kab in kwojkwoj eo ewōr dān ilowaan kar kōjeramman im kokwojarjar e. Naan ko jab maroñ kwalōk eñjake ko remman ejetōbtōb iaar eñjaki kajjojo iien jema im ña kar loļōk ñan kōmmane eddo eo am. Ripālele eo raar iien otemjej kanooj kautiej im kaṃoolol loļōk eo am. Ij indeeo kaṃoolol kōn waanjoñak eo an jema, priesthood eo ekwojarjar, im eļap tata iakwe eo an Jemedwōj Ilañ ñan aolep ro Nejin.

Elder Russell M. Nelson eaar ba, “Ta meļeļe in ke Rilōmōqor eo Eaar ba bwe ‘kar kōmman Jabōt ñan armej ran, im jab armej ñan Jabōt? Ij tōmak Eaar kōñaan bwe jen meļeļe bwe raan in Jabōt eaar menin jolet eo An ñan kōj, ej letok iien kakkije jān men ko reppen ilo kajjojo raan im iien emman ñan kōkāal mour in jetōb im kanniōk jimor. Anij eaar letok ñan kōj raan in eaorōk, ejjab ñan kamōñōñō bajjōk ak jermal ko kajjojo raan ak ñan kakkije jān jermal, ñan kōmeraiklōk mour in jetōb im kanniōk jimor.” (Russell M. Nelson, “The Sabbath Is a Delight,” *Liaona*, Māe 2015) ■

ALEN KO AN IJO JOKWE IE

LDS Charities ej Leļok Kein Ikkure ko ñan Catholic School ilo Marshall Islands

Majuro, Marshall Islands

Ejjab etto ro jän Kabuñ eo an Jisōs Kraist im Armej ro Rekwojarjar ilo Raan-ko Āliktata kar leļok kein ikkure ko ñan Marshall Islands Assumption Catholic School eo.

Ekkar ñan juon ritōl an ro Rekwojarjar ilo Raan-ko Āliktata, Cheta Anien, jibadbad eo an menin leļok eo ej ñan kōkōmanman ļok ājmour an jodikdik ro kōn kōkōmanman ļok maķūtkūt in ānbwiin.

Nañinmej in tōñal ej jorrāan eo eļap tata ilo Marshall Islands im LDS Charities, humanitrian rej jipañ an Kabuñ eo an Jisōs Kraist im Armej

ro Rekwojarjar ilo Raan-ko Āliktata, ej jermal ippān mōn jar ko jet im kien ñan kadik ļok emakijkij in nañinmej.

“Kōm kanooj mōñōñō bwe wōr iien emman ñan rie rijikuul ro im rijerbal ro an Assumption Catholic School eo kōn menin jipañ kein,” Mr. Anien eaar ba.

“Jän menin leļok kein an elōñ kain bōļ ko im goal ko roktak, kōmij kōt-mene bwe ajri in jikuul in enaaj lōñ ļok aer iien emman ñan bōk kuṇaer ilo maķūtkūt in ānbwiin, ikkure, im jie in ikkure ko āinwōt jōkad, balle-bōļ im pāajkōt, im ñan ejake juon itok limo ñan pād wōt ilo ājmour

tōon wōt aer mour im emourur. Kōmij kōjatdikdik ajri rein rejjamin naaj eñtaan jän nañinmej in tōñal ak men ko waļok jän e āinwōt pilo, jorrāan in dekā in jibuke ak nañinmej in menono, mej ānbwinnin, ak mṇwijmṇwij ne.”

Eaar kakobaba, “Kōm kōṇaan kōjeramman Assumption School ritōl ro kōn emmaķūt ko emōj aer jino kōmmani ñan jipañ bōbrae nañinmej ko. Emōj aer joļok mōñā ko ewōr juka ko ie jän mōn mōñā eo an jikuul eo aer, katōk juon jikin katak kallib, im jino juon league in soccer ippān jikuul ko jet.” ■



Ro rej jän LDS Charities im Kabuñ eo an Jisōs Kraist im Armej ro Rekwojarjar ilo Raan-ko Āliktata, Mr Cheta Anien (tu anmiñ) ej leļok kein ikkure ko ñan rijikuul ro an Assumption Catholic School eo ilo Marshall Islands.



Ajri ro jän Assumption Catholic School eo ilo Marshall Islands rej lemōñōñ in bōk kein ikkure ko jän LDS Charities.

Kabuñ ej Eddoik Prime Minister eo an RiTuvalu Ilo Töre eo ej Loļok Kiribati

Jān Mormon Newsroom

JIPAN KŌN PIA EO JĀN PUBLIC AFFAIRS LIBRARY

Prime Minister eo an Tuvalu, His Excellency Enele Sopoanga, ippān lotuna Tune, im membōr ro mōt-tan an Kabuñ in.



Tarawa, Kiribati

Prime Minister eo an Tuvalu, His Excellency Enele Sopoanga, kar bōk eddo in jān Jukjukin pād eo an Kirivalu im Kabuñ eo an Jisōs Kraist im Armej ro Rekwojarjar ilo Raan-ko Āliktata ilo Kiribati, ilo jemļok in ļok iio eo ļok.

“Kirivalu” ej juon jukjukinpād an RiTuvalu ro ilo Kiribati ekoba RiKiribat ro raar mare RiTuvalu ro.

Enaņin jimettani in jukjukinpād eo rej Armej ro Rekwojarjar ilo Raan-ko Āliktata.

Prime Minister eo kar kōmņane nān e wāween ilo iminene an RiTuvalu ro ekar koba kautut kōn wut ko ippān ļok juon kōjota ļapļap im “fatele” (eeb ko ilo mānit eo an RiTuvalu).

Prime Minister Sopoanga eaar loļok Kiribati nān kweilok ko ippān ritōl ro jet kōn unin kōnono eo an okoktak in mejatoto.

Jet Armej ro Rekwojarjar ilo Raan-ko Āliktata RiKiribati im RiKirivalu raar ioon prime minister eo an RiTuvalu. Mr Iotua Tune eaar juon iaer.

Lio pāleō im nā ekar wōr amro iien emņan nān ioon Prime Minister eo im lio pāleen ālkin kōjota eo. Kōm kar kaņoolol er kōn aer itok nān Kiribati im eļap tata iien eo emņan nān bōk eddoier ilo juon iaan imōņjar ko am, “eaar ba.

“Prime Minister eo eaar kwaļok kaņoolol nān Kabuñ in im ro uwaan kōn karuwainene eo emeņeņ im tenkwadik eo aer. Eaar nōbar erre eo im jetōb eo ejenļok me eaar pād ilo jikin eo.”

Kar pād elōņ ļok jān 300 armej ro kar pād ilo maķūtkūt eo. Ibwiljin ro raar itok kar ro uwaan Mōņjar eo an Catholic im Mōņjar eo an Kiribati Uniting reutiej me rej barāinwōt uwaan Jukjukinpād eo an RiKirivalu. ■

Kabuñ ej Leļok Kein Jipaņ Māķūtkūt ko nān Armej in Kiribati

Tarawa, Kiribati

Ro jān Kabuñ eo an Jisōs Kraist im Armej ro Rekwojarjar ilo Raan-ko Āliktata kar kweilok ippān ritōl ro jān Ministry eo an Health im Medical Services ilo Kiribati kiiō epaak nān leļok juon container in jipaņ emāķūtkūt nān armej in laļ eo an Pacific.

Ms. Sonia Schutz, eo kar jān Ministry eo, kar kwaļok kaņoolol ilo etan kien eo im armej ro. “Kōn an wōt kein jipaņ kein elōņ armej kōn jorrāān ko ikkijien emāķūtkūt naaj jipaņ,” liin eaar ba.

Māķūtkūt in leļok eo kar bōk jikin ilo Nawerewere Aujpitōl eo ilo Tarawa.

Laļ eo an Kiribati ej ajeded ļok ilo 33 āne ko reddik im jekjek ko rema-roņ in eppen im lokjak nān armej ro ewōr aer wutame ilo ānbwin. ■



Kabuñ eo an Jisōs Kraist im Armej ro Rekwojarjar ilo Raan-ko Āliktata ej leļok wheelchairs ko nān Ministry eo an Health im Medical Services ilo Kiribati

PIA KO KŌN JIPAN AN PUBLIC AFFAIRS LIBRARY.

Membōr ro rej Katak Kamōñōñō ko jān Uññare Peim̄ Make

Jān Rijerbal in Newsroom

Juon kōkalle in eddōk ļok in itok limo im erreimaan ļok eaar ijino ilo 2015 ke 12 membōr ro an Kabuñ eo an Jisōs Kraist im Armej ro Rekwojarjar ilo Raan-ko Āliktata ilo Solomon Islands raar kadede ļok ekkatak eo kein ka-juon Kabuñ in eaar bōk eddo in juon laajrak in kein ekkatak kar ŋa etan “Starting and Growing My Business (Ijino im Kaddōk ļok Pejnej eo Aō).”

Kūlaj eo ej juon iaan jilu kūlaj ko an uññare peim̄ make kar kōm̄mane nān katakin kajjojo im baam̄le ko aorōk eo an erom uññare peim̄ make ilo aolep jekjek ko an mour, innām kwaļok nān er iaļ eo ejim̄we bwe ren maroñ bōk jeļļokjeñ im kein jerbal ko rej aikuji nān tōpar menin kōttōpar ko aer.

“Menin kōttōpar eo am ej uññare peim̄ make,” Elder David Nish eaar ba, juon mijenede ej Uññare peim̄ make, “ej nān bōk baam̄le ko nān tappel, nān kōm̄man bwe ren erom uññare peim̄ make, nān kōļļaik wōñaan jeļļokjeñ an ajri ro nejier, mōñā ko kijier im nuknuk ko aer, im kein taktō ko remenin aikuji.”

Nān rainin emōj an wōr jilu 12-wiik ko, “Starting and Growing My Business” (Ijino im Kaddōk Pejnej eo Aō) kūlaj ko kar katakin kōn juon joñan rijikuuļ ro ej 66 ilo an waļok 15 pejnej ko rekāal, im ratimjuon pejnej ko raar pād kadede kar em̄man ļok im eddōk ļok.

Elder Nish eaar kam̄ool oktak ko re-kabwilōñlōñ ilo mour ko an ro me raar kadede ļok kūlaj ko, innām kōjerbal ta ko raar katak kōn jino juon pejnej

ekāal, ak kōkōmanman ļok eo eaar pād kadede. Maroñ eo aer nān kōjpa-rok im kake nān aikuji eo aer make im baam̄le eo eaar kanooj ļap ļok.

Ilo an kar pād ilo kūlaj in ekkatak eo, Timothy Faifu im lio pāleen Millie raar jab jeļā kain pejnej rōt eo ekkar nān kapeel im maroñ ko aer. “Ālkin aer kadedeļok kooj eo,” Elder Nish ekar kōmeļeļe, “er rekar keememej bwe ekar wōr juon an kein kōm̄man birōk em̄or eo me ekar kōjerbale nān kalōk m̄weo imōn, innām ekar kile bwe emaroñ in kōjerbal kein kōm̄man birōk in im jino juon an pejnej, make uññare peim̄ make.”

“Iaar jab jeļā ekōjkan kilen jino juon pejnej,” Timothy eaar ba, “bōtaab ke Elder im Sister Nish raar jino kumi in uññare peim̄ make iaar bōk kūlaj eo. Ekōm̄man jāan nān nā nān kake nān baam̄le eo aō. Mōkta jān menin, iaar jab jerbal. Eaar ejjeļok aō jāan nān jipañ baam̄le eo aō. Kiiō imaroñ kōm̄man kake jān kōm̄man birōk ko.”

“Timothy ewōr juon an būratōr jatin lio pāleen im juon bar membōr in Kabuñ in rej jerbal nān e,” Elder Nish eaar kōmeļeļeik. “Lio pāleen ewōr an bōk ko me eaar katak nān kōm̄mani ilo kūlaj in uññare peim̄ make, kōn menin ej juon pejnej edik an baam̄le eo ej kōjerbal bar juon memebōr in Kabuñ in. Ej juon bwebwenato em̄man.

“Timothy, ippān elōn iaan rijikuuļ ro rejjab wōt uññare peim̄ make ilo juon tōre ekadu kitien,” Elder Nish eaar ba,



Timothy Faifu eaar kajutak juon pejnej in pirōk an baam̄le ālkin kadede ļok kūlaj in uññare peim̄ make, “Starting and Growing My Business”



Rose Hoara ej wia kake lep ko nān ro ruturin im jukjukinpād eo



Maria Gwaro ej ekkat wōjke ko m̄wijiti, nān wia kake nān ro jet

“ak rej barāinwōt erom uññare peim make ilo jetōb—ilo bar juon wāween ba rej kōllā juon mōttan joñoul eo aer, rej riiti jeje ko rekwojarjar, rej kōmṃmani jar ko aer im jar ko an baamle, ewōr aer juon menin kōttōpar nān etal nān tampeļ, im ewōr aer saving.

Ebar lōñ bwebwenato ko rewe-jepedik rej itok jān “Ijjino im Kaddōk Pejnej eo Aō” kūlaaj eo.

Ripejnej eo, Caleb Wanega, kar katak ekōjkan kōjeikik jān ko an āinwōt juon tōprak in bōk kūlaj eo. “Ewōr juon aō jikin kallib make kiiō im kar katak ekōjkan kōmadmōd jān ko aō, eaar ba.

Rose Hoara, juon māmā edik, eaar kile emaroñ in kar jipañ rie baamle eo an kōn jino juon pejnej in lep. Liin eaar nejnej juon oran lōlō ko ren kōmṃman lep im wia kake lep ko rekāāl nān ro rūturin im ro jet ilo jukjukinpād.

Maria Gwaro eaar jino juon pejnej in menin eddōk jān kajeeded juļ ko jān menin eddōk ko raar jutak, im kad-dōk ļoki mae iien repojak nān katōki ilo ninne ko im wia kaki nān ro rej mōñōñō in wia.

Patrick Maseru eaar deļōñe kūlaj eo meñe eaar wōr an pejnej in security make. Eaar maroñ in bōk eļap ļok lōke im katak wāween ko rekāāl nān kōwe-jepedik ļok an kōtōbalbal pejnej eo an.

Elder Nish ej ba kūlaj ko an uññare peim make rej kōmṃman nān jipañ membōr ro an Kabuñ in katak im likūt ilo jermal pedped ko an tōmak, jeļāļokjeñ, buuļ jermal, im lōke ilo Irooj. Raar katakin bwe mour kōn pedped kein naaj kōmaroñ er nān bōk kōjeramṃman ko an kanniōk kar kallimur kaki jān Irooj. ■

Kalimjōk Wōjke ko an Baamle ilo Fiji

Membōr ro ilo juon bukōn ilo Fiji etto ļok raar upload i menmenbwij ko an baamle nān FamilySearch.org

VANU LEVU, Fiji

Membōr ro an doulul eo ekāāl an Kabuñ eo an Jisōs Kraist im Armej ro Rekwojarjar ilo Raan-ko Āliktata ilo Nakawakawa Fiji rej jermal ippān doon nān upload menmenbwij ko an baamle eo aer nān Intōrnet.

Kiiō epaak, membōr ro an Kabuñ in jān jarlepju eo edik ak eddōk ļok kar pād ilo juon jikin ilo toļ etto ļok ilo Vanu Levu, kar bōktok laajrak ko kar je im ļoqok ko an rūtto ro aer nān imōnjar eo raar kalōk nān er.

Larry im Lynda Bennett, juon ripālele in Amedka ro rej jermal āinwōt mijenede ro an menmenbwij an baamle, kar bōktok laptop kamputōr ko im remote internet connections ko jān jo jikier ilo Auckland, New Zealand.

Peter Vakalala, juon ritōl an Kabuñ ijo, kar bōktok juon injin jarom nān leļok jarom nān laptop ko.

Ippān doon raar kadeļōñ e emen epepen ko an etan rūtto ro, raan in iiō ko rarōk im meļeļe ko jet an baamle nān kajjojo rej bōk kuṃaer nān FamilySearch.org, juon in tōre deļōñe ejeļok wōñāān kar kōmṃmane jān Kabuñ in.

Menin ej kwaļok nān er meļeļe ko an menmenbwij eo aer ej ļoqoki indeeo, im rej pād nān tok ālik nān er, ro ineer im ro jet rej ikideele nān pukōt im ek-keijel ippān rūtto ro aer im bwebwenato ko aer make an rūtto ro aer.

“Kōjparok bwebwenato ko ba kaki im ememeļokjeñ ko rej pād ej aorōk ilo eria ko ijo peba ko remaroñ jab jeļā kaki ak jab waļok.” Sister Bennett eaar ba.

Būreejtōn Vakalala eaar kwa-ļok ekōjkan tōpar ļoqok ko, kobaik baamle ko rekāāl im upload pija ko an baamle nān FamilySearch.org. Enaaj

**Branch Būreejtōn
Peter Vakalaia ej
bwilōñ kōn pija
in im meļeļe ko
an baamle ilo
FamilySearch.**



PIJA EO EU JIPAN JĀN MORMON NEWSROOM EO



Sister Lynda Bennett ej jipaŋ mem-bōr ro an kabuŋ ilo Nakawakawa kōn menmenbwij an baamle eo aer.

kamineneik ro jet ilo jarlepju eo an ekōjkan kōjerbali er make.

Ekkar ŋan Elder Bennett, pukōt menmenbwij an baamle ewōr an aorōk ŋan dāpġ kajoor an baamle. “Ŋe komġij kōmġmani menmenbwij eo ami im je ememlōkjenġ ko kōn ak riiti bwebwenato ko an rūtto ro ami remej, komġij eŋjake ekkejel ŋan er ilo juon wāween ekanooj jenlōk.

Bennett ro rej jermal ŋan jipaŋ armej ro kanne ijo ejjelōk kobbaer ilo wōjke ko an baamle eo aer ilo New Zealand, Australia im āne ko ilo South Pacific.

Rejjab make iaer. “Mormon mije-nede ro an menmenbwij rej jitōŋ er ŋan aolepān laġ in ŋan jipaŋ kōkajoor būrookraamġ ko an menmenbwij an baamle,” Sister Bennett eaar ba.

FamilySearch, juon jermal kar kōmġ-mane jān Kabuŋ eo an Jisōs Kraist im Armej ro Rekwojarjar ilo Raan-ko Āliktata, ej kallimur ŋan jipaŋ armej ekkejel ippān rūtto ro aer.

Jermal in elioġ tūtboġ ilo tōmak an Mormon bwe baamle ko rej ioġapġap in mour ko ad im bwe jemjerā ko an baamle rej jibadbad ŋan wōnmaan lōk ālkin mour in.

Kōnke itok limo ilo menmenbwij an baamle ejjab wōr joŋan jān munit, mŋwil ak kabuŋ, kein jipaŋ ko an FamilySearch rej pād ŋan aolep ro rej kōŋaan pukōt eġap lōk kōn baamle eo aer im jolet eo aer. ■

Kōkajoor lōk Ro Jet Kōn Kwaġlōk Bwebwenato Ko Amġ

Jān Catherine Vaughan

Jej wōnmaan lōk wōt ilo imġwe im lōŋaj kōn bwebwenato ko an jermal an membōr ro ad rej kōmġmani ilo jukjukinpād ko aer, im apaŋ ko ekanooj lōŋ ro rej anġ ŋan kile ilo mour ko aer aoelp raan. Ekanooj in emġman ŋan maroŋ kwaġlōk bwebwenato ko remġman, kōnke juon eaar bōk iien ŋan jei, im jilkin tok ŋan kōj.

Kōmġij aiin bwebwenato ko reimġwe im kaddōk lōk, katak im mejele, kōn

iien ko me raar ukōt mour ko ami. Bwebwenato kein an juon make remaroŋ koba ilo *Ensign/Liahona* ilo alen ko, im maroŋ barāinwōt kobaik ŋan country website ko, im social media ko, eġaŋne rekkar. Ejjelōk juon tore ŋan bwebwenato kein, āinwōt an ejjelōk iien karōke im maroŋ kobaik ŋan mākjiin ko ilo jabdewōt iien, āinwōt an wōr jilkin.

Bwebwenato kein remaroŋ in kāāl, ak jān eŋjake ko jemaan. Remaroŋ in



Kōmġij aiin bwebwenato ko reimġwe im kaddōk lōk, katak im mejele, kōn iien ko me raar ukōt mour ko ami.



kadu, iien ko aolep raan, ijo kwar bōk juon eñjake ñan gospel eo, ak eñjake ko rej kaoktak an mour.

Jej lõmṇak kōn jet eñjake ko me remaroñ jab jejjet, ak eḷap aer aorōk ñan juon make ñan kwaḷoḷk, bōtaab jeḷā bwe ekanooj lõn naan in kaṃpool ko rej kōkajoor ḷoḷk eñjake ko me rek- kar, im naaj lõñaj ro jet ñan riiti.

Jet lõmṇak ko im elmakot ko remaroñ in:

- Juon uwaak in jar jab kōtmene kake
- Juon eoon me kar jipañ komḷ me- ḷeḷe juon pedped an gospel eo ealikkar ḷoḷk
- Apañ ko komḷ maroñ jelmāi

- Tōre in eddōk ḷoḷk ko ilo kūr eo ami, ak mour eo am make
- Kaddōk ḷoḷk iminene ko remṇan kōn ekkatak jeje ko rekwojarjar
- Juon Nokon in Jotan an Baamḷe ewejepedik
- Bōk juon naan in kaṃpool kōn juon mōttan joñoul, ak jabdewōt bar pedped an gospel eo
- Akjoke visōn eo an Menmenbwij an Baamḷe
- Lale ajri ro nejimi, ak baamḷe, ak ro mōttad anjō ioon apañ ko, ak eddōk ḷoḷk jān eñjake
- Anjō ioon iminene ko renana
- Jerbal eo komḷ kar bōke
- Iien ko an Jerbal in Katakina in Loḷoḷk

an kōrā, ak Katakina ilo Mōko me raar uñūr būruwōmi

- Jerbal in mijenede ippān rijerbal ro ak ro mōttami
- Bwebwenato ko kōn tōmak, karme- jete, ak jermal

Bwebwenato ko rejjab aikuj in aitok, emaroñ **300 naan ko**. Rej aikuj jeje ilo **KAJIN PĀLLE**, im jenaaj jipañ kōn kōkōmṇanṇan ḷoḷk ñe emenin aikuj. Jouj im kobaik juon pija ealikkar, eḷaññe emaroñ.

Menin enaaj juon būroojāak eban jemḷoḷk, kōn menin eḷaññe komḷij imḷwe ñan kwaḷoḷk juon bwebwenato jān mour eo ami, ak mour ko an ro ipe- ḷakūmi, kōm naaj mōñōñō in maroñ kwaḷoḷke ippān membōr ilo Pacific Area. Emaroñ wōr ro jet me rej eñjake ejja men kein wōt, ro būruwier renaaj uñūr im kajoor ḷoḷk jān naan ko komḷij kwaḷoḷki.

Jej barāinwōt karuwaineneik en- naan ko kōn maḷkūtḷūt ko ijo jokwe ie im maḷkūtḷūt ko me rej waḷoḷk ilo area eo ami, barāinwōt jabdewōt bwebwenato ko rej naan in kaṃpool ilo kōkajoor ḷoḷk komḷij kōṇaan kobaik ñan database eo. Jej reimṇan ḷoḷk ñan riiti aolepeer.

Komḷ maroñ kepaak kōm ilo email atreej kein:

liahona-pacific@ldschurch.org ñan ro rej letok bwebwenato jān ao- lepān Āne ilo Pacific

Eḷaññe komḷ jeḷā jabdewōt armej ro jet me remaroñ itok limo ilo je bwe- bwenato ko ejjab aolep iien ñan māk- jiin ko, ak website ko, jouj im tilmake ḷoḷk meḷeḷe ñan tōpar kōm ñan er. ■



Emaroñ wōr ro jet me rej eñjake ejja men kein wōt, ro būruwier renaaj uñūr im kajoor ḷoḷk jān naan ko komḷij kwaḷoḷki.

